

Oliakunit akuutissanillu eqqagassat pillugit Namminersornerullutik Oqartussat nalunaarutaat

Avatangiisit inaarlitsaaliorneqarnissaat pillugu Inatsisartut peqqussutaanni nr. 12-imi 22 december 1988-imeersumi Inatsisartut peqqussutaatigut nr. 7-ikkut 13. maj 1993-immersukkut allanngortinneqartumi § 1, imm. 1, nr. 4, § 8, imm. 1 aamma 2, § 9, imm. 3, § 15 aamma § 46, imm. 2 tunngavigalugit makku aalajangersarneqarput:

Kapitali 1.

Nalunaarummi pineqartut il.il.

§ 1. Suliffeqarfissuarnit, matumani suliffeqarfinit mikinerusunit, umiarsualivinnit il.il. angerlarsimaffinnillu oliakut akuutissanillu igitassat passunneqartarnerat eqqarneqartarnerallu nalunaarummi matumani pineqarput.

§ 2. Eqqaasarneq nalunaarummi matumani pineqartoq tassaavoq suujunnaarsitsineq, ikuallaaneq atueqqinnerlu.

Imm. 2. Oliakutut igitassat nalunaarummi matumani pineqartut tassaapput atortussiat siunertarpiaminnut atorneqarunnaarsimasut, ilanngussamilu 1-imi nalunaarsorsimasut.

Imm. 3. Akuutissanit igitassat nalunaarummi matumani pineqartut tassapput atortussiat siunertarpiaminnut atorneqarunnaarsimasut, ilanngussamilu 2-mi nalunaarsorsimasut.

Imm. 4. Passussineq nalunaarummi matumani pineqartoq tassaavoq oliakunit akuutissanillu igitassanik katersuinerit, assartuinerit, immikkoortiterinerit, allanik poortuinerit uninngatinneqartarnerallu.

§ 3. Oliakut akuutissanillu igitassat ulorianartutut nalunaarsorneqarsimasut assartugassat ulorianartut assartorneqartarneri pillugit malittarisassat sukkulluunniit atuuttut malillugit uninngatinneqarlutillu assartorneqartarssapput.

Imm. 2. Oliakut akuutissanillu igitassat uninngatinneqarnerini assartorneqarnerinilu pooqartinneqassapput inissinneqarnermikkut, ilusiligaanermikkut ussissutsimikkullu silaannarmik, nunamik, imermik sikumillu mingutsitsisinnaanermik ulorianartorsiortitsisoqannginnissaa qulakkkeerlugu.

Imm. 3. Uninngatitsineq assartuinerlu illersorneqarsinnaasut qulakkeerniarlugit kommunalbestyrelsi naalakkiuteqarsinnaavoq.

Kapitali 2.

Ilisimatitsineq nalunaaruteqartarnerlu.

§ 4. Suliffeqarfiit oliakunik akuutissanillu igitassaqaqtartut tamarmik tamanna kommunalbestyrelsimut nalunaarutigisassavaat.

Imm. 2. Nalunaaruteqarnermi suliffeqarfiup qanoq ittunik igitassaateqassanganerluni,

poortuuteqassanganerluni ukiumullu qanoq amerlatigisunik igitassaateqassanganerluni ilannguttassavai.

Imm. 3. Oliakunik akuutissanillu igitassanik kommunit tigooqqaavii suliffilu eqqaaviusut imm. 1-imi aalajangersakkani ilaatinneqanngillat.

§ 5. Suliffeqarfiit oliakunik akuutissanillu igitassanik kommunip avataaniit kommunimut eqqussiniartut tamanna kommunalbestyrelsimut ilisimatitsissutigissavaat § 4-mi aalajangersakkat malillugit eqqussinissaq sap. akunnerinik arfineq pingasunik sioqqullugu.

Imm. 2. Eqqussiniarneq kommunalbestyrelsip itigartissinnaavaa eqqaanissaq kommunip eqqaaviani ingerlanneqassappat, eqqussuinerluunniit kommunimi oliakunik akuutissanillu igitassaareersunik eqqaanermut akornutaassanganerpat.

Imm. 3. Imm. 2 tunngavigalugu itigartitsineq ilisimatitsissutigineqassaaq nalunaaruteqarneq kingusinnerpaamik sap. ak. tallimanik kingoqqullugu.

Kapitali 3.

Innersuussisussaatitaanneq tunniussisussaatitaanerlu.

§ 6. Oliakunik akuutissanillu igitassanut eqqaaviusinnaasumik qinnuteqartoqarneratigut kommuni innersuussisaaq. Eqqaaviusinnaasutut innersuunneqartoq atorineqassaaq.

§ 7. Kommunalbestyrelsi kommunip illoqarfittaani nunaqarfittaani oliakunik akuutissanillu igitassanik tigooaanermik aaqqissuussisnaavoq. Aaqqissuussinermi suliffeqarfinnit, sullivinnit, umiarsualivinnit il.il. angerlarsimaffinnillu oliakunik akuutissanillu igitassat ilaatinneqassapput.

Imm. 2. Oliakut akuutissallu igitassat tigooqqaavinni pilersinneqartuni tigooqarneqartut eqqarneqarnissaat kommunalbestyrelsip qulakkiissavaa.

Imm. 3. Tigooaanerit eqqaanerullu ingerlanneqarnerat tamarmi ilaannaaluunniit suliffeqarfinnut taamatut suliaqarnissamut piukkunnartunut tunniunneqarsinnaavoq.

Imm. 4. Oliakunik akuutissanillu tigooaanermut eqqaanermullu atatillugu aningaasartuutini tunngavigalugit kommunalbestyrelsi akiliutissamik aalajangersaassaaq.

§ 8. Kommunip tigooaavia pilersinneqarpat, tak. §7, suliffeqarfiit § 4-mi nalunaaruteqartussaatitaasutut taaneqartut aaqqissuussinermit atuissapput, tamatumunгалu kommunalbestyrelsip aalajangersagai malillugit akiliuteqartinneqartassallutik.

§ 9. § 7 malillugu tigooaanermik aaqqissuussinerit oliakunik akuutissanillu igitassanik umiarsuarneersunit oliamillu qillerivissuarneersunit toqqaannartumik tigooaanissaminut pisussaatitaanngillat.

Imm. 2. Immikkulli ittumik aaqqiinissamut periarfissat § 17, imm. 2-mi taaneqartut tunngavigalugit igitassat umiarsualivimmeersut tigooarnissaat eqqarnissaallu aaqqissuussinermi qulakkeerneqarsinnaasariaqarput.

Kapitali 4.

Tunniussisussaatitaanermut ilaatinneqannginneq.

§ 10. Qinnuteqartoqarneratigut kommunalbestyrelsilu isumaqatiginiareerlugu suliffeqarfinnut, matumani umiarsualiviit ilanngullugit, § 8 malillugu tunniussisussaatitaanermik Naalakkersuisut atortitsinngitsoorsinnaapput. Taamatut ilaatinneqannginneq sivisunerpaamik ukiut tallimakkaarlugit atuussinnaavoq, piumasarineqarporlu:

1) suliffeqarfup uppersassagaa igitassat avatangiisit eqqarsaatigalugit illersorneqarsinnaasumik passunneqarlutillu eqqarneqassasut, aamma

2) peqataatinneqanngitsoorneq kommunini tigooraasarnermik aamma eqqaasarnermik aaqqissuussinerit annertussusilerneqarnerisa tunngavigisaannut sunniuteqassanngitsoq tamakku ingerlanneqarnerinut ajornakusoortitsilersinnaalluni.

Kapitali 5.

Akisussaatitaaneq paasissutissiisussaatitaanerlu.

§ 11. Kinaluunniit oliakunik akuutissanilluunniit igitassanik § 7 malillugu tigooraavimmut tunniussisoq nakkutilliisoqarfimmit imaluunniit tigooraavimmit piumaffigineqaruni igitassat sumit pinngorsimanersut tunniunneqarnerminnilu ka-tigaanerit pillugu tamakkiisumik paasissutissiisaaq.

§ 12. Kinaluunniit oliakunik akuutissanillu igitassanik passussisoq taamaaliornikkut silannaap, nunap, erngup sikulluunniit mingutsinneqannginnissanut akisussaavoq.

§ 13. Kinaluunniit oliakunik akuutissanilluunniit igitassalerinermigut mingutsitsisoq tamanna pillugu kommunalbestyrelsimut erniinnaartumik ilisimatitsissuteqassaaq.

Imm. 2. Mingutsitsinerimut akisussaasup mingutsitsinerup kingunerisinnaasai pinaveersimatinniassavai, imm. 1 malillugu ilisimatitsissuteqareersimagalaruniluunniit.

Kapitali 6.

Nakkutillineq il.il.

§ 14. Avatangiisit innarlitsaaliorneqarnissaannik Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut allanngortinneqarsimasumi § 9-mi malittarisassat malillugit suliffeqarfinnik, umiarsualivimmik, suliffinnik, namminersortunik il.il. nakkutillineq Naalakkersuisunit kommunalbestyrelsimillu ingerlanneqarpoq.

Imm. 2. Oliakunik akuutissanillu igitassanik kikkulluunniit aqqutigisinnaasaasigut assartuinerimik nakkutillineq kommunimit ingerlanneqarpoq, inatsisiliornikkut allakkut allanik aalajangersaasoqarsimatinnagu. Kommunalbestyrelsittarlu pisinnaatinneqarpoq suliffeqarfinni tamani oliakunik akuutissianillu igitassat assartorneqarnerinut atatillugu passussinernik sunilluunniit nakkutilliinissaminut.

Imm. 3. Nakkutilliinermi malittarisassanillu atortitsinerim Avatangiisit innarlitsaalineqarnissaannik Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut allanngortinneqartumi kap. 4-mi aamma § 44, imm. 2-mi malittarisassat atuupputtaaq.

§ 15. Oliakunik akuutissanillu igitassat nalunaarummi matumani aalajangersakkat malillugit avatangiisillu eqqarsaatigalugit illersorneqarsinnaasumik passunneqarlutillu eqqarneqarnissaat qulakkeerniarlugu kommunalbestyrelsi naalakkiuteqarsinnaallunilu inerteqquteqarsinnaavoq.

Imm. 2. Mingutsitsisinnaanerup pinaaveersaartinneqarnissaa immikkut siunertaralugu kommunalbestyrelsinaalakkiuteqarsinnaallunilu inerteqquteqarsinnaavoq, matumani oliakunik akuutissanillu igitassat akuttunngitsumik tunniunneqartarnissaat eqqarneqartarnissaallu ilanngullugit, taamaaliornikkut suliffeqarfimmi ataatsimi igitassanik eqiteruttuulernissaq pinngitsoorsimatinniarlugu, tak. § 17, imm. 2.

§ 16. Nalunaarut manna malittarisassalluunniit allat taassuminnga tunngavillit tunngavigalugit aalajangiinerit tamarmik Avatangiisit innarlitsaaliorneqarnissaannik Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut

allan-ngortinneqarsimasumi kap. 10-mi malittarisassat tunngavigalugit
naammagittaalliutigineqarsinnaapput.

Kapitali 7.

Aalajangersakkat allat.

§ 17. Kommuni illoqarfiani nunaqarfinilu oliakunik akuutissianillu igitassanik tigooraasarnermi aaqqissuussinerit pilersinneqartut pillugit kommunalbestyrelsi maleruaqqusanik aalajangersaassaaq. Maleruaqqusat paasissutissanik makkuninnga imaqaassapput:

- 1) suliffeqarfiit § 4-mi taaneqartut sumi qanorlu iliorlutik oliakunik akuutissianillu igitassanik tunniussisassasut,
- 2) namminersortut sumi qanorlu iliorlutik oliakunik akuutissianillu igitassanik tunniussisassasut, aamma
- 3) kommunit tigooraanermik aaqqissuussaannik atuinnermut akiliutit.

Imm. 2. Suliffeqarfiit igitassaataat pillugit maleruaqqusat malittarisassanik makkuninnga imaqaassapput:

- 1) § 4 malillugu oliakunik akuutissianillu igitassanik nalunaaruteqartarnek,
- 2) oliakunik akuutissianillu igitassat tunniunneqarnerinut atatillugu paasissutissiisussaataaneq, tak. § 11,
- 3) suliffeqarfinni ataasiakkaani igitassat eqiteruttuulernissaat pinngitsoorsimatinniarlugu piffissani aalajangersimasuni pinngitsoorani tunniussisarnissami piffissarititaasut, tak. § 15, imm. 2 kiisalu
- 4) piffissat tigooraasarfiillu pinngitsoorani tunniussivissat, tigooraanermik aaqqissuussinerimi passusinissamut periarfissanik ukiuuneranilu immikkut ajornartorsiutaasinnaasunik sillimmaassisut.

Imm. 3. Imm. 1-mi maleruaqqusat taaneqartut akuerineqarneri kingusinnerusukkullu allanngortinneqarneri pillugit kommunalbestyrelsip Naalakkersuisut innuttaasullu ilisimatittassavai.

Kapitali 8.

Pineqaatissiinnermut atortuulersitsinermullu aalajangersakkat.

§ 18. Akiilisinneqarsinnaapput:

- 1) § 3, imm. 2-mik, § 4, imm. 1-imik aamma 2-mik, § 5, imm. 1-imik aamma 2-mik, § 7, imm. 4-mik, § 8-mik, § 10-mik, § 12-imik kiisalu § 13, imm. 1-imik aamma 2-mik unioqqutitsisut,
- 2) § 3, imm. 3, § 11, § 15, imm. 1 aamma 2 malillugit piumasaqaatinik, naalakkiutinik inerteqqutinilluunniit sumiginnaasut, imaluunniit
- 3) § 17, imm. 1 aamma 2 tunngavigalugit malittarisassanik aalajangersarneqartunik unioqqutitsisut.

§ 19. Aktieselskabi, anpartsselskabi, andelselskabi assigisaalluunniit unioqqutitsisuuppat selskabi akiliisitaasinnaavoq. Namminersornerullutik Oqartussat, kommuni kommunilluunniit ataatsimut ingerlatseqatigiiffiat unioqqutitsisuuppat Namminersornerullutik Oqartussat, kommuni kommunilluunniit ataatsimoorlutik ingerlatseqatigiiffiat akiliisitaasinnaavoq.

§ 20. Nalunaarut manna 1. januar 1994 aallarnerfigalugu atortuulersinneqarpoq.

Imm. 2. § 7 malillugu tigooraanermik aaqqissuussineq pilersinneqarpat kommunalbestyrelsip Naalakkersuisut innuttaasullu tamanna pillugu nalunaaruteqarfigissavai.

Ove Rosing Olsen

/

Torben Cordtz

Ilanngussaq 1

Ilanngussaq 2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut